

溫河市 函 公 館

瑞安縣志卷三

祠祀

史記稱治氣以教化潔誠以祭祀小大之神莫不砥屬然則國之大事莫重於祀矣

國朝定制自壇壝以及應祀之神有司每歲舉行惟恪自郡國而下不遺一邑焉第黍稷匪馨明德惟馨非徒陳俎豆飾衣冠之謂足以受祐也古聖王先成民而後致力於神有民社者當深維祭則受福之有本矣

志祠祀

壇壝

先農壇舊志在城東十二堡國朝雍正五年知縣何

奉先農神農氏厲山氏后稷氏祭品祭儀悉如先師

廟每歲二月亥日知縣率丞尉行耕藉禮左右四旁

社稷壇舊志在縣城北門外洪武元年定立制度國

廣二丈五尺南北如之高三尺四寸陸各三級北向

壇下前十二丈東西南三面各五丈陸坎在壇西北

線以周垣立石主一長二尺五寸方一尺埋於壇南

正中距壇四旁二尺五寸立二木牌神位高二尺五

寸闊四寸五分厚九分座高四寸五分闊八寸五分

厚四寸五分一書縣社之神一書縣稷之神祭時設

平席於壇上

祭畢藏之

風雲雷雨山川壇舊志在武靖門外宋元俱附祀於社

川爲三壇九年改議今祭王令泰依式建於今址十

四年又以城隍神同祀歲於春秋二仲上巳日致祭

國朝因之壇制東西廣二丈五尺南北如之高三尺四

陸各三級壇南向壇下前九丈五尺東西西北三面各

五丈陸坎在壇東南立牌位三尺寸與社稷壇同一

書風雲雷雨之神一書境內山川之神一書瑞安城

邑厲壇舊志在縣城北門外清泉鄉洪武四年王令泰

奉文建歲三祭春清明秋七月望日冬十月朔

日奉城隍神主之壇制高二尺五寸廣一丈五尺

以周垣立二牌位俱題曰本縣境內無祀鬼神祭日

一設於左一設於右

按舊志所載里社壇在各里明頒制聽鄉民於一百

戶內立壇一所祀穀之神每歲里戶輪首潔淨壇宇

遇春秋社日致祭祭畢會飲令一人讀鈎強扶弱之

端安系志

卷三祠祀

壇壝

七

廟

城隍廟

舊志在永豐府白巖橋小嶼之上宋嘉祐間徙城西南地瀕江風潮圯之元大德三年復移故址至元十四年火知州吳濱重建至正甲午燬明洪武元年王令泰移建縣東集真觀西址是年秋颶風壞主簿張九成重建永樂三年王令翰復遷今址嘉靖戊午倭寇燬隆慶壬申杜令時登捐俸重建

國朝順治六年譚令希閏重修祀典春秋二仲合祭於風雲雷雨山川壇至清明中元十月朔日奉神位至邑厲壇主其祭

海安所城隍廟

在所城東門內

關帝廟

舊志在所壇街國朝雍正三年勅封三代公爵曾祖光昭公祖裕昌公父成忠公禮儀祭品俱照先師廟每歲春秋及五月十三日致祭祠以太牢乾隆十年

詔於舊有封號之上敬加供奉二字

文帝廟

在西峴山國朝嘉慶六年奉

旨仿照關帝廟定制列入祀典并勅建後殿供奉帝君先代神位每歲春以二月初三日聖誕為祭期秋以欽天監選定吉日為祭期祠以太牢署邑令蔣光弼張青選暨董事裕士張鶴李錦瀾林觀浩朱有光等改普現菴增其制復創後殿規模始宏厥焉

呂祖廟

在集真觀國朝嘉慶十年奉

旨列入祀典致祭

天后廟

在市心街龍尾河口神靈應最著國朝加封護國庇民妙靈昭應宏仁普濟福佑羣生誠感咸孚天后之神乾隆五十三年加顯神

贊順四字嘉慶五年加垂慈篤佑四字

赤帝廟

在關帝廟側歲以六月廿三聖誕日致祭廟中祀馬王神

忠義廟舊志在東北隅縣治後神姓蔡名敬則漢末起

寧立署於郡公嶼廟始建於公署晉時遷署為縣改

祭以中秋望日至今為定規又有搏虎祠在清泉鄉

國朝順治戊子寇亂燬至康熙乙丑重建黃思親忠義廟

廟通邇治所遷崇福院廢基為之以神封忠義應順

輔正故揭首二字以為榜正德壬申里人又以委巷

湫隘廟貌弗嚴乃聚金角廣基址一撤其舊而新之

按志神鎮永寧城愛瑞安邵嶼之勝立署第於此政

令明肅境內又安時有虎害民神即挺身入穴屠之

及歸途遇老人從以修蟒與語頃至署屬其民曰天

今策我為佐兵使矣害盈而福謙言畢立逝體汗凝

為白乳目瞪不瞑面赭如生先一夕麾下吳九者為

虎負去至是還跪膝下民既德而且神之故建廟以

祀又立搏虎祠於周嶼趙宜馨忠義廟記蓋有非常

資長通經史禦災捍患之道無不講求於胸中固不

待臨大難遇事變而始知確乎其不可拔漢末四方

盜起里人皇然失措公於隱退時毅然與師凜然使

寇不敢犯而安固得以晏然無恙不致蹂躪者皆公

之力也囚之授部尉建縣署築城郭宣猷布化境內

又安豈其心為功名計哉蓋其義勇之氣勃發而捍

禦忠貞之志歷險而不懼後之論者遂以為禦災捍

患足光祀典而不知經綸素裕固非草莽之士所能

卒辦也夫出宰百里繭絲保障尚恐治之如芟況以

忠烈武義侯廟

舊志在清泉鄉周湖神姓葉名一源字

追諡武義立廟祀之武后朝加封忠烈歲正月十四

日致祭奠適忠烈武義侯廟記忠烈武義侯葉公一

教千百年

如一日云

馳歸卒狀奏帝憫之為輟食特詔下其所居之里建祠追謚武義侯天后朝加封忠烈故榜其廟曰忠烈武義侯嗚呼自唐迄今五百餘載告虔不絕詎偶然乎每早潦禱即應疵癘不作歲獲屢豐邑人以爲皆侯之賜相與率錢治其廟屬余記其事余惟侯生能致其身以報國死能以利澤及於鄉黨何德之盛與遂書之以鐫於石

廣濟廟舊志一在豐湖亭西一在城東門內曹睿廣濟廟記瑞安東郭廟神姓林名三益字友直生於

宋熙寧戊申五月初四日嘗憩永豐橋亭面發赤汗流浹背人問其故乃曰吾方在海捍船舶勞甚數日後榕城船商踵門以謝人益信其神一日忽語人曰可於許右丞閣上取團花錦袍白玉帶卓帽來翼日吾其逝矣及期沐浴更衣端拱而化鄉人異之告於長吏具實蹟上聞立廟於東郭豐湖之南凡水旱疾疫隨禱即應咸淳初封廣濟侯元至丁丑隣寇剽掠勢張甚俄而神威赫靈有大旗見於雲端居民鼓勇力戰賊黨奔逃邑賴以寧迨至正戊申朔流民假道入閩瘴氣傳染死者相枕藉鄉人憂懼禱於神獨

吾邑獲免疾疫未幾海寇近境同知州事張成謁欵祠下而賊鋒卒不敢犯後州倅李澧漕運出海遇風濤惡甚愴惶呼號舟人仰祈於神浪平風滅遂得善達朝廷聞之詔封昭惠廣濟公癸卯冬有虎入市人莫敢攫頃間至廟側乃帖服受擒衆皆以爲神力知州趙榮祖以其事聞特封忠武孚佑昭惠廣濟王由是靈異益彰邑人歲時致祭列拜庭下廟貌嚴肅過者起敬焉按今社壇水心亦有廟

國朝康熙辛酉增創乾隆十四年奉文加封歲春秋致祭黃徵又水心祠廣濟廟記黃河之水流分九曲而其源則同出崑崙祠祀何獨不然考瑞志廣

濟古廟在豐湖橋神姓林氏諱三益神之忠孝事蹟具詳曹睿碑記其行祠一在賓陽門內一在社壇街水心舊傳水心顯蹟未詳也社壇故有廟南枕雜堞北帶清流國朝康熙辛酉重建棟宇崇閎廉陛嚴肅令人入廟生敬西折爲椒掖宮嬖娟窳窳神之寢室在焉其呈人設祭禮儀悉如古廟夫神之廟祀徧浙東西遠而省垣明州近而甌郡昆陽祈焉報焉歲無虛日乾隆十二年奉詔加封靈睿普鎮廣濟王歲給帑金春秋致祭載在祀典於戲神之爲德其盛

矣乎惡乎在惡乎不在靈爽則無不之也洵異流而
 同源者也知水心為顯蹟靈區行祠之建不亦宜哉
 嘉慶戊辰余纂修瑞志董廟事者李錦煒予門下士
 也有採訪之司允其請而為之記以補舊乘之闕云

以上壇廟俱列祀典

莊濟廟

舊志在南關城外江許舊廟在三港分祀各地
 故俗稱三港廟神姓陳名逸字子良唐時人世

居洪口幼有力宅種竹母令取竹以兩指握之皆破
 今有破竹林長操舟海上當歲除尚在閩境鄉人同
 舟者皆思家神曰各宜閉目來日可到人未之信夜
 但聞舟裏林木有聲達旦已抵家矣人始異之既沒
 鄉人商於海風起舟將覆忽見神于帆檣間自言其
 姓氏俄而克濟及歸為立祠焉宋端拱二年封惠民
 侯宣和二年加護國二字宋德祐元年詔封護國惠
 民福善聖王元至正二十二年加封莊濟二字今月
 井九里安祿巖鳳村中康俱建行祠焉以神每著靈
 於海上故浴海之民事之惟謹神以五月十八日
 誕

王朝奉廟

舊志在西峴山今徙南關城外祀宋邑令王
 公濟以禦方臘功加朝奉郎卒民立祠陳傳

良作迎享送神歌歌曰君昔兮胡不去斯君兮胡
 不來斯文棟兮瑀楫峴山之麓兮江折旨酒往兮潔
 肥皓遺老兮鬚眉攻擊鼓兮吹篪君勿來兮遲遲山
 蜿蜒兮榕陰萎蕤江水平兮與蛟與螭君之來兮可
 以娛禱君不共安兮誰與其危鳴玉兮袞衣彼亦君
 兮一時莽中州兮為彝匪家則廟兮牛羊鬣鬣尚吾
 民兮有知於子孫兮永依揆之兮以是非君舍此兮
 安之田有畔兮澤有陂桑稻兮誕瀾懷不報兮忸怩
 日早暮兮夜何其猶容與兮誰須孫希且西廟詩宋
 室王編解羅平鳥作妖幫源鳴鼓角浙水起徵徐鐵
 歷呼皆集黃巾勢甚驍六州同竹破萬戶擬原燒焚
 掠嗟兇焰奔崩笑具僚干戈連括嶺烽火燭卓橋安
 回彈丸小渠魁羽檄招登陣逢許遠斬使拒袁鬪白
 馬浮江遠青燐照地遙雲梯攻詎息叢矢戰頻排列
 若屯如蟻填濠嘯似梟呂虔刀在手南八箭橫腰義
 士皆奮軍嚴令不驚計糧無七日練幸有終朝雉
 落門扉稱人呼屋瓦搖張卷心慷慨帶勢營堯堅
 壁王匡困孤城騎劫騎大兵俄兩合五技已永消氛

霧清千里攬槍隕九霄孤忠酬社稷長算庇髦髻保障於今億耕桑闔境謠雕梁依峴麓玉砌上江朝草色寒猶碧榕陰老未凋年深戰壘失畫靜畫旗飄舊俗壺觴薦餘威颺颺迎神歌一曲風急雨瀟瀟又芳山鄉有賈太尉廟祀賈良臣賈良弼亦同時禦寇有功者

靈衛廟

舊志即顯祐廟一在十二都陶公尖一在帆游鄉一在城峴山下豐積倉側嘉靖癸亥蔡維章募建萬歷癸酉周令愆重葺

國朝康熙癸丑增創李德基顯祐廟記節略神姓何諱敏字虛中父樸母葉氏以宋神宗元豐八年乙丑九月朔生神於蘇公里赤光滿室及長聰明正直驍勇絕倫既而乘虎遠逝不知所終宋元世屢顯奇功由將軍進封王正統間以陰兵贊王師殲巨寇於化癸卯春正月四日夜火起東方延燒兩街民居時東風驟火疾勢如飛飄忽而至濟民橋將過河界眾皆徬徨計無所出自分一隅已在燬墟中於是祈神默相呼聲動天地俄而大風西作火轉而東眾見烟焰中若有人穿緒袍執白旗左揮右指之狀邑人蔡維章等景仰神庥因共啟廟易而新之凡前堂後寢三門兩

廟極其壯麗宏治丁巳大街兩旁只居復火自宣化坊至濟民橋二百餘家為之一空東風猛烈火燎殿棖者數四民相率禱於神俄一人自羣萃中躍出裸體散髮升殿端坐目稱季姓子為神遠方送款而來因諭眾曰神注意若等毋慮異起西方神還東位言訖風返火滅復索大石曰以製實其中置諸腹上募有力善春者春之杵至三百餘穀精為米有病者予以少許服之即瘳口而求其體神者乃染清傭工蠢然一愚夫也由是人益敬信拾財裝飾廟象呂宰宋公命勒石徵余為文余觀易有曰陰陽不測之謂神夫陰陽化生萬物得其靈者為人得其最靈者為聖人聖人死而靈不泯是以幹旋運用莫測其機無在而無乎不在無為而無所不為若吾神者可謂生為聖人死為神人者與冊封尊號而永享血食不亦宜乎嗚呼神之靈無時而不著矣拜手謹誌以俟後之君子

橫山周公廟

舊志在十二都橫山明宋濂橫山周公廟

山廟神之事可觀已神諡凱字公武姓周氏世居臨海郡之橫陽生而雄偉身長八尺善擊劍能左右射

博聞而強記家貧躬耕以養父母及司馬氏平吳與陸機兄弟入洛張華薦之知晉室將亂獨辭不就時臨海屬邑曰永寧曰安固曰橫陽地皆瀕海海水沸騰蛇龍雜居之民懼其毒神乃白于邑長隨其地形鑿壅塞而疏之遂使三江東注于海水性既順其土作父永康中三江逆流颶風挾怒潮為孽邑將陸沉民咸懼為魚神奮然曰吾將以身平之即援弓發矢大呼衝潮而入水忽裂開電光中見神乘白龍東去但聞海門有聲如雷而神莫知所在矣俟而水勢平江禍乃絕邑長思其功號其里曰平水且建祠尸祝之遐邇邀神者無虛日神功益用赫著初封于唐為平水顯應公尋升王爵宋賜仁濟為廟額元進封太和冲聖帝易廟為宮國朝以誠事神詔禮官定議為橫山周公之神

楊顯廟

舊志在隆山神姓楊名精義唐太宗時人十子俱入山修煉惟五子名聖遇歷官樞密使三子昇事達於朝三子皆挂冠歸里亦登仙蹟神屢著靈海濱

國朝康熙甲子歲隆山塔燬神顯異重與今沿海居民事

之維謹按樞密使唐無其官或者宋太宗時人俟考

孚澤廟

舊志在來暮鄉神曹氏名霽閩之長溪人唐季尤樂施與沒民立祠祀之宋宣和初睦寇至神拒之具有靈蹟嗣平陽盜起神見夢於里人得備不虞紹興間邑大水壞民居時有邵貴季宣張成見三人立水上揮手畫水勢遂平每旱潦禱即應寶慶三年詔封霽順佑廣福昭德王封霽順應廣惠昭澤王封昌裔順濟廣寧昭顯王勅賜祠額為孚澤廟後遷今址

陳太尉廟

舊志在來暮鄉月角山神名彪石晉時諫議大夫因王曦篡立棄官居此歿立祠祀之

昭烈廟

舊志在嘉興鄉神姓吳兄弟三人長昭次吳次奕宋景祐間陰兵助戰賜建廟

顯應廟

舊志在葑村神陳氏名敏宋時人家饒同妻韓氏好施與曠門有五通廟驚動禍福氏惑之神曰吾問正直為神豈有殃民而廟祀耶負土偶投諸水曰吾為爾鎮此土耳言訖更衣沐浴而逝民祀之宣和間賜今額

興善廟

舊志在廣化鄉右溪神姓樊氏兄弟居此山內巨潭有蛟每出入挾屋雨潭水暴漲沒田廬為民害神誓除之天聖四年罄家資入積善院養其母兄弟持刃入潭風雷晝暝斬蛟潭水盡赤兄弟乘流至溪口對立而歿里人立祠祀之

河東廟

舊志在宋縣祀宋尚書宋之才

李將軍廟

舊志在清泉鄉逸其名宣和初死方臘之難里人祀之

廣惠廟

舊志在十五都南社鄉林泗陽莊神姓林逸其名南宋封護國惠民侯

忠烈廟

舊志在蓋竹里神鄭氏名守義時方國珍僭亂神保障一方以身殉難里人立祠祀之

羅陽王廟

舊志在清泉鄉

蘇三王廟

在四十九都乾隆丁巳年重建

伍公廟

舊志在集善鄉立祠江上祀神伍公

靈應廟

在安仁鄉馬嶼神姓陳屢昭靈異乾隆五十三年里人林天卓重建

戴聖王廟

在廣化鄉四十五都南斗莊神姓戴諱嶠宋乾德年間入禦賊有功

祠

名宦祠

鄉賢祠

忠義祠

以上三祠詳見學校

節孝祠

在城東北虞池宮之東雍正五年知縣何詩奉文建張德標節孝祠記瑞洽東北舊有節孝祠

建自雍正五年以祀歷代貞烈節孝者積久就圯殆無以為瞻奉展拜之地乾隆歲壬子嘉慶戊午予兩宰斯土有志新之威促於奉調不果行時諄然囑諸紳士蓋劇倦倦于斯也越癸亥桐城周公鑄來攝瑞

篆貢生曾炳奎池映庚聯屏士林問禮輩以此事請周公欣然嘉予之為之示諭重建就其故址鳩工聚

材築堂三楹大門一座繼以崇壘上設神座供奉木
主書唐宋元明暨

國朝諸節孝依次序列而祠之成虎昔有加焉去歲丙寅
煥然一新唱然曰此其為扶名教維世風者乎夫人
能自立不廢觀型化可漸成不忘獎勵古來貞女節
婦成于天性者半成于風化者亦半此祠重建植綱
常于不朽翼名教于長存誠國與天地所由與立也
因為采其禮儀定其祭典舉凡荒村窮谷苦節操涇
者咸令採訪備詳入祠俾觀斯制者咸有所感發而
興起焉而修葺補做踵事增華則又後來者之責也
予不文竊喜祠之克成於書以勒諸石成此事者祠
城周公鎬佐是役者歲貢生曾炳奎張增銜貢生戴
光化生員葉夢懷林問禮蔡均飽震唐肩任樂翰考
庠貢生池映
庚凡八人

聖井許真君祠舊通志在來暮鄉許峯山下祀旌陽令許遜

四賢祠舊志在城西峴山舊係南山律院五通神廟

國朝康熙二十五年知縣范永盛改祀宋許景衡陳傅良

元高明明卓敬額曰章安四賢祠李先蓉四賢祠記

治西數百武有峴山一名紫霞山山南舊為南山律

院邑乘志其為悟真寺子院也院廢里人即其宇祀

五通神康熙丙寅邑侯范公從鄉前輩林澹我孝廉

請易祀宋許橫塘陳止齋元高則誠明卓維恭四先

生勝其前榮曰章安四賢祠夫古人釋菜之禮行之

於先聖釋奠之禮行之於先賢之四賢者生不必同

時而先後同揆若合符節節義忠孝洵足振綱常維

名教宜士人瓣香而尸祝之者也韓昌黎云鄉先生

歿而祭於社其在斯人與噫自乾隆乙丑歲先君子

構家祠於峴山之坡蓉歲時祭祀每過祠下肅然起

敬登堂展謁低徊留之如四時先生如在前景仰之心

自不能已已抑蓉更有聞者先是邑侯周公精形家

言嘗云斯祠之建枕山襟江卓筆凌雲夜間更能米

照則西南一隅文風尤盛蓉竊感二侯之善政仁言

而誌其巔末如右孝廉之請亦可謂識所當務矣

若夫功業著述彪炳千秋史冊具在茲不復贅

陳文節公祠

萬歷志在仙巖寺側宋陳公傅良嘗讀書於此故祠祀焉明宏治年間邑令高賓建

嘉靖甲寅邑令劉畿拓新之萬歷甲申邑令章有成
 改建積翠峯下乙未邑令歐大成重修王叔果仙巖
 止齋祠記仙巖山水之勝甲於東嘉宋寶謨閣待制
 陳止齋先生故有祠在沙門之西北比年寺廢林壑溼
 蕪祠亦漸圯嘉靖甲寅吳門羽泉劉侯畿因就余言
 余游仙巖展謁祠下覽勝弔古躊躇歎歎因就余言
 曰梵宇弗葺寺僧之責也先賢俎豆幾於草莽有司
 其奚辭既戒僧徒修理廢墜而以新先生祠為已任
 度時經費鳩工飭材中為堂五楹奉遺像繞以周垣
 冠以臺門仍榜曰止齋祠前臨清溪旁蔭松枯凡由
 虎溪橋入梅潭者必道祠下望之翼如美瞻壯觀於
 茲山為光矣走書屬余記其事予考邑志先生世居
 壽村樂梅潭之勝而卜棲焉四方學者嚮風戶履日
 衆因鄉先王薛季宣過訪問參倚之說暢然省悟乃
 盡棄其舊學而所得益深故曹叔純校序先生集斷
 自乾道丁亥謂是時先生學成道尊而其文可傳益
 指梅潭卜棲歲也然則德業文章兩稱粹美雖由天
 授以學臻不無得於溪山之助其祠於仙巖也固宜
 嗚呼以先生所蘊負所論著使遭遭時會晉接亨衢
 即震世事功可立致者顧遇暗主淹下僚甫承召命

而橫斥隨之兩宮未調引裾切諫匆匆下殿竟出國
 門亦良可慨哉然先生之學雖不盡用於時而經綸
 緒績垂憲後賢製作餘芳沾溉來學今去先生三百
 餘年誦其詩論其世亟欲起之九原而不可得古人
 甘棠枯竹之感猶致愛於托過之跡矧名賢藏修之
 地吾是以知斯祠之新不可已而劉侯於簿書之暇
 敦崇令典其賢於俗吏遠矣予書其麗牲之碑以紀
 歲月因為迎神送神之辭俾歌以侑祀焉
 國朝乾隆年陳士銓曾助祠材五架嘉慶元年八月興
 建風祠祀癸亥邑人王象乾洪守一林佩金陳天輔重

蔡文懿祠

舊志在清泉鄉新
 闢祀宋蔡幼學

卓忠毅祠

即忠貞祠在縣前新
 街祀明侍郎卓敬

國朝乾隆四十一年
 賜諡忠毅舊志在西峴山宏治中邑令高賓改建於舊射
 圃嘉靖甲午邑令朱祀又改建於南山律院廢址歲

春秋仲月致祭隆慶壬申燬萬歷癸酉邑令杜時登

奉詔重建丙子以風壞庚辰邑令齊柯改建今址王
 士翹卓忠貞祠記嘗讀劉忠愍公所作忠貞卓公傳
 歎曰未雨之謀不行殺身之仁益烈公之死忠也成
 祖文皇帝重惜公死曰國家養士三十年不負其君
 惟卓敬耳則我成祖之義也微成祖不足知此國
 微公不足以表成祖之義君篤於義臣安於忠此國
 家元氣所以培植萬世綱維所以俟賴蓋公端人祀
 公於瑞宜也前令吾邑朱君祀崇節義始卽西峴山
 以爲公祠王子翹令是邑又從而新之創田十畝
 及杏北壇西畔隙地歲徵租以供祀事於乎貞思大
 節炳於霄漢公之死義成仁至矣向使公而弗果捐
 生我成祖固將柄用之況祠於後世於其邑於其鄉
 乎崇廟祀樹風教達之天下君子以爲猶有俟焉入
 祠拜像忠義之心有不油然而興者其爲臣可知已
 是故祠以祀公所以教爲臣也蘇茂相謁卓忠貞祠
 卓公匡濟器廣孝豈相容兩暗能騎虎雲癡不附龍
 丹心畱帝鑒碧血倩誰封故里英靈氣猶看斗北衝
 雍正二年知縣薛傳聲同諭訓張宗棣項景倩邑貢
 生李松筠重修有碑記見藝文嘉慶二年知縣張德
 標率董事生員李禹錫重建但查雍正九年清丈八

冊基地共畝分厘至今
 民估甚多現在文明飭退在案

陶隱居祠在陶山

晏公行祠一在西門外一在東門內公五湖四瀆水神

文孝行祠舊志在崇泰鄉祀梁昭明太子

惠應行祠舊志在來暮鄉祀唐刺史歐陽氏

黃太尉祠舊志在來暮鄉湖畧太尉名乾字秉元唐武宗朝爲少監昭宗龍紀元年授中順大夫官

福建刺史時節度王審知有窺竊之志因論以朝廷
 大義事遂寢大順時進封太尉歿鄉人以其生有功
 德於民立祠赤岸祀之子進顯避
 南唐亂徙居瑞之合湖因創祠焉

吳諫議祠舊志一在嘉嶼鄉一在來暮鄉一在義翔鄉祀唐諫議大夫吳晔

郭公祠萬歷志在嘉嶼鄉郭公陽神唐末人令公裔孫逸其名官閩守避黃巢亂攜家徙紫華山中賊

至率衆立屯堡設方略擊殺數十人遂解去後殛於此鄉人皆德之爲立祠故其地今名郭公陽

馮公祠舊志在四十八都神姓馮名正覺歲大旱衆禱雨不應神挺身躍入花巖龍潭中須臾兩大注

民德之爲立祠至今祈禱立應

陸放翁祠爲宋陸游建今入縣署中

范公祠在仙巖寺方丈後爲浙撫范承謨建

遺愛祠舊志在縣治東祀邑令王士翹劉畿齊柯

歐公祠舊志在東門內虞池祀邑令歐大成

王公祠舊志在東門外祀邑令王祚昌

康公祠舊志在縣治東祀邑令康元穗

張公祠舊志在峴山下悟眞寺側

國朝乾隆三年大饑副將張兆龍躬親督賑盡瘁而歿士民德之爲立祠

錢公祠舊志在永豐巷祀錢學訓益忠

衛房宮在西峴山麓悟眞寺側

太陰宮始建于西門外其後建造者在城有廣福宮在廣福寺東慈聖宮在所壇街通濟宮在望仙橋

虞池宮在虞池東西峴宮在西峴山道堂後承天宮西安宮俱在峴山下附郭有南聖宮在大較場東鎮

宮在東門外隆山宮在隆山西俱祀陳十四夫人今南聖宮改祀天后

按舊志所載靈濟廟在南社鄉神姓吳氏英志廟在南社鄉神姓金氏安瀆廟在來暮鄉溪西馬大尉廟

在安仁鄉馬嶼胡侯廟在南社鄉漱玉潭廟在崇泰鄉雲頂山玉函潭廟在大羅山龍進潭廟七星潭廟

顯濟廟惠澤廟在芳山鄉崇福廟在河頭其姓氏事蹟俱闕又有靈順行祠在城東北今圯三姑潭祠在

仙巖神唐路應三女附識于此

瑞安縣志卷三終

瑞安縣志卷四

田賦

昔陽城爲道州刺史撫字心勞催科政拙自署下考
未嘗不歎古循吏願爲保障而不願爲繭絲也自
聖世著一條鞭之令一洗從前箕斂之弊誠使爲司牧者
奉法惟謹又能勤恤民隱而德意周浹孰不輸將恐
後哉古稱什一行而頌聲作有由然矣志田賦

土田

明洪武田地山池塘伍千陸百肆拾肆頃捌拾伍畝叁
分零萬歷田地山池塘沙水房屋等項肆千玖百柒

拾貳頃捌畝肆分有奇按江溪雖有坍壓而土田數差不遠萬歷少洪武陸百餘

頃者義翔鄉割入泰順也

國朝順治三年田地肆千玖百伍拾肆頃肆拾陸畝玖厘

貳毫肆絲伍忽內上則壹千叁百陸拾頃陸拾壹畝叁分肆厘陸毫壹絲中則玖百

捌拾伍頃壹拾畝捌分叁厘陸毫伍絲柒忽中則玖百

伍百玖拾玖頃叁畝壹分叁厘壹毫貳忽下則

玖百陸拾肆頃貳畝拾柒畝伍厘柒毫柒絲陸忽外

山池塘壹拾柒頃陸拾貳畝叁分柒厘肆毫玖絲叁忽

順治拾捌年防海沿江築界民內徙田棄界外棄置田地叁百

陸拾捌頃陸拾壹畝陸分陸厘捌毫陸絲叁忽棄置田地

山池塘壹畝叁分玖厘柒毫康熙柒年棄置田地

柒拾捌頃壹拾伍畝伍分柒厘柒毫陸絲柒忽康熙

熙陸年為邊海荒棄等事案內蠲徵田地肆拾壹頃

伍拾柒畝伍分肆厘康熙拾年為無徵荒蕪等事

案內蠲徵田地貳百頃壹拾壹畝捌分叁厘肆毫肆

絲柒忽蠲徵山池塘陸頃玖畝貳分伍厘陸毫伍

絲肆忽康熙玖年拾壹年至拾陸年展界後

業開墾前棄置田地內開墾壹百玖拾玖頃玖拾壹

畝玖厘柒毫捌絲捌忽前棄置山池塘內開墾壹

畝叁分玖厘柒毫以上棄置開墾蠲徵不一康熙

貳拾年除棄置蠲徵乘閒墾定新額造冊具列於左

康熙貳拾年田地肆千肆百陸拾伍頃玖拾畝伍分陸

厘玖毫陸絲柒忽內上則壹千叁百貳拾肆頃捌

拾捌畝肆分伍厘陸毫貳絲玖忽拾捌畝肆分伍厘陸毫貳絲玖忽

忽中則捌百壹拾壹頃陸拾陸畝陸厘肆毫肆絲壹

貳絲肆忽下則伍百柒拾頃貳拾玖畝叁分壹厘

玖毫伍絲叁忽外山池塘壹拾壹頃

雍正玖年查丈至拾壹年拾貳月報竣丈實田地山池

塘并新增額外新漲陸科塗田山地共肆千捌百伍

拾貳頃肆拾壹畝柒厘玖毫肆絲內上則壹千叁

陸畝柒分壹厘肆毫壹忽中則玖百叁拾伍頃伍

拾畝玖分叁厘壹毫肆忽中則玖百叁拾伍頃伍

玖頃叁拾柒畝捌分陸厘叁毫陸絲中則玖百玖拾

新增陸科共伍百玖拾貳頃玖拾叁分叁厘玖毫

陸絲捌忽下則并新增陸科塗田共捌百肆拾

貳頃壹拾壹畝壹分壹厘貳毫伍絲捌忽額外新漲

貳拾叁頃伍拾畝捌分陸厘肆毫肆忽山池塘

沙塗并山地共柒拾柒頃柒拾叁畝貳分伍厘叁毫

玖絲壹忽以

上悉錄舊志

丈定分則字號每一字

上則計三十

法則明東南壤鞏固東北誠意行西南賦常豐西北天地元永

閏餘一成二歲律三呂四調陽五雲騰六致七雨八

露結九為十都來暑一往秋收冬藏二珠稱三五四

霜十三金十四生十五水十七崑二十岡二十一劍二十二

都號二十巨闕二十一李二十二柰三十師三十一九都

麗十六玉十八夜二十光二十一果二十二菜重三十芥

薑三十鱗三十一潛三十二皇始四十削四十一六都

出十九羽三十龍三十一火四十帝四十一鳥四十二官四十三

三人四十文四十
都人四都七都

下下則計二
十圖

海鹹河淡三十翔三十
三都七都字乃服四十衣四十
讓五十國有虞一都陶五十唐五十周五十發五十

嘉慶五年為請申勸墾等事案內

題准水衝砂壓各則田地貳拾玖頃伍拾貳畝柒分貳厘

肆毫壹忽實存田地山池塘沙塗肆千捌百壹拾柒

頃壹拾肆畝肆分陸厘貳毫貳絲內上則田地壹千

叁百柒拾柒頃伍拾玖畝叁分肆厘陸毫陸絲捌忽

每畝科銀伍分壹毫柒絲陸忽實徵銀陸千玖百壹
拾貳兩貳錢壹分貳厘玖毫每畝科米叁升肆合

柒勺貳抄肆撮實徵米肆千柒百中則田地玖百貳

捌拾叁石伍斗貳升叁合伍勺拾陸頃伍拾壹畝陸分捌厘伍毫叁絲玖忽每畝科

玖厘貳絲陸忽實徵銀肆千伍百肆拾貳兩叁錢肆

分壹厘伍毫每畝科米叁升叁合貳勺柒撮實

徵米叁千捌拾壹石中中則田地玖百肆拾捌頃柒

拾肆畝捌分肆厘陸毫陸絲玖忽每畝科銀肆分陸

實徵銀肆千肆百叁拾玖兩陸錢陸分捌厘貳毫每

畝科米叁升壹合肆勺伍撮實徵米貳千玖百捌拾

貳石柒斗肆下則田地伍下柒拾捌頃柒拾壹畝肆

分玖厘柒毫捌絲玖忽每畝科銀肆分肆厘肆毫玖
拾伍兩伍分貳毫玖絲每畝科米貳升玖合叁勺
肆撮實徵米壹千陸百玖拾柒石玖斗肆升玖合柒
勺下下則田地捌百叁拾壹頃壹畝叁分柒厘柒毫

玖絲柒忽

每玖科銀肆分肆毫叁絲捌忽肆微實徵銀叁千叁百陸拾兩肆錢玖分肆厘貳毫

每畝科米貳升伍合陸撮實徵米貳千捌拾貳石伍斗貳升伍勺

山池塘貳拾叁頃

伍拾畝捌分陸厘肆毫肆忽

每畝科銀肆分實徵銀玖拾肆兩叁分肆厘伍毫

新漲沙水塗地壹百叁拾壹頃肆畝捌分叁厘叁毫

毫肆絲玖忽

每畝科銀肆分肆毫叁絲捌忽肆微實徵銀伍百貳拾玖兩玖錢叁分捌厘伍毫

以上土田實徵銀貳萬貳千肆百伍拾叁兩柒錢

肆分玖絲 實徵米壹萬肆千陸百貳拾捌石

斗陸升貳合壹勺外加丁賦

戶口

明萬歷戶壹萬捌千叁百捌拾陸 口肆萬伍千捌百

陸拾肆

國朝順治三年戶貳萬貳千肆百伍拾陸 口肆萬伍千

捌百陸拾肆內

市民成丁壹萬肆千捌百 竈成丁叁千伍拾捌 軍成丁貳百叁拾伍

食鹽課口壹萬柒千柒百玖拾捌 竈戶食鹽鈔丁玖千玖百柒拾叁

康熙貳拾年戶貳萬貳千肆百捌拾 口叁萬肆千捌

百壹拾陸內

市民成丁壹萬叁千伍百捌拾陸 軍竈食鹽課口壹萬肆千肆百叁拾伍

食竈鈔丁柒千柒百玖拾 伍 內優免捌百玖丁

丁賦 每銀壹兩捌錢

米壹石壹斗柒升柒合玖勺派 市民成丁壹丁 每銀壹兩伍錢叁分柒厘肆毫

米壹石伍升陸合壹勺派食鹽課壹口 每共加銀叁兩貳錢肆厘捌毫派竈戶食鹽鈔壹丁

派市民成丁壹萬貳千肆百壹拾陸丁伍分陸厘叁

毫陸絲肆忽每丁科銀貳錢壹厘貳毫實徵銀貳千肆百玖拾捌兩貳錢壹分貳厘陸毫

每丁科米貳升捌合柒勺實徵米叁加派竈戶成丁百伍拾陸石叁斗伍升伍合肆勺

壹萬肆千肆百叁拾伍丁叁分叁厘陸毫捌絲每丁科銀貳分伍厘陸毫實徵銀叁百陸拾玖兩伍錢肆分肆厘陸毫

每丁科米貳升捌合柒勺實徵米肆百壹拾肆石貳斗玖加派竈戶食鹽鈔丁陸千玖百柒拾

壹丁捌厘捌毫叁絲貳忽每丁科銀叁分伍厘實徵銀貳百肆拾叁兩玖錢捌

分捌厘以上加徵丁銀叁千壹百壹拾壹兩柒分伍

玖忽以上加徵丁米柒百柒拾石陸斗肆升

厘貳毫玖忽以上加徵丁米柒百柒拾石陸斗肆升

合陸勺

科徵 丁隨田納

上則每一畝科銀陸分貳厘陸毫陸絲陸忽壹微柒塵
米叁升貳合陸抄捌撮壹圭柒粟

中則每一畝科銀陸分壹厘貳毫叁絲叁忽捌微玖塵
米叁升柒勺貳抄捌撮叁圭陸粟

中則每一畝科銀伍分捌厘肆毫伍絲肆忽貳微肆塵
米貳升玖合壹撮壹圭陸粟

下則每一畝科銀伍分伍厘伍毫捌絲貳忽貳塵 米
貳升柒合陸抄壹撮貳圭貳粟

下則每一畝科銀伍分伍毫肆忽玖塵玖漠叁埃肆纖

陸渺 米貳升叁合壹勺肆抄伍撮陸圭捌粟玖粒
陸粍伍糠肆粃

山塘蕩每一畝科銀肆分伍厘捌毫伍忽伍微肆塵
新漲沙塗每一畝科銀肆分肆毫叁絲捌忽肆微玖漠
叁埃肆纖陸渺

共實徵地丁銀貳萬伍千伍百陸拾伍兩肆錢捌分
伍厘貳毫玖絲玖忽 米壹萬伍千叁百玖拾捌石
玖斗壹升壹合柒勺 外

收零積餘米折徵銀壹拾壹兩玖錢陸分壹厘伍毫
孤貧口糧米折徵銀叁拾伍兩叁錢

鑄戶二名米折徵銀叁兩捌錢

月糧給軍米折徵銀貳千貳百肆拾伍兩貳錢
厲壇祭祀米折徵銀叁兩壹錢貳分伍厘

通共實徵銀貳萬柒千捌百陸拾肆兩捌錢陸分玖
厘貳毫玖絲玖忽 每額銀壹兩加徵耗羨銀捌分又
遇閏之年每額銀壹兩加徵閏銀
叁分陸厘伍
毫米不加閏

通共實徵米 折徵項
除訖 壹萬叁千肆百柒拾伍石壹斗
伍升貳勺

省米每年奉文每除米壹斗折徵銀壹錢伍分

附 一條鞭

國朝定鼎卽 詔科徵依明萬歷著爲一條鞭之令官收

官解並無雜泛差徭法始隆慶御史龐尚鵬奏准行

均平續文獻通考穆宗隆慶四年依丁糧編派開載

有丁有糧者編爲中戶及糧多丁少一糧俱多者編

爲上戶俱照丁糧并納著爲定例此一係鞭之始也

先是明制賦輕役繁明會典行移各布政司府州縣

管人戶遇有差徭逃移者所在有司有歲徵如夏稅

窮究去處移文勾取赴官依律問罪

糧鹽鈔絲絹兵餉及外賦課內又分額辦坐辦

程之類俱在所徵悉充正供歲辦雜辦三項額辦如

弓箭弦條泮襖等項坐辦如牲口果品等項雜

辦如進表祭祀賓興等項其中有隨時增減者歲徭

如輸當斗級庫子收頭以及俱於正賦外另科圖里

司道府各縣役支給等項

條款滋繁紛紛弊起自條鞭行始將一切役名所需

概從田畝加科徵其在庫聽官分項應解應給不累

圖里而一條鞭外並無纖毫雜役功令憲行屢經申

飭云

按古者有賦有役詳於周官自漢興始有算賦此丁

徵之所由起也

國朝一條鞭之制行則一切差徭雜費皆在其中而里甲

圩長之名久已不立矣

解給

起運地下銀貳萬柒百叁拾柒兩壹錢叁分陸厘過閩之年

加銀伍百伍拾捌兩玖錢貳分貳厘外加本色顏料銀貳拾兩柒錢貳分

貳厘 本色蠟茶銀壹拾捌兩捌錢捌分叁厘 折

色顏料并路費銀肆拾捌兩貳錢伍分叁厘 折色

蠟茶并路費銀柒拾玖兩陸錢捌分壹厘 本色藥

材銀壹兩肆分 薦新芽茶銀肆兩玖錢玖分 鄉

飲酒禮銀陸兩捌錢陸分捌厘 歲貢旗匾銀伍兩

柒錢叁分叁厘 孤貧小建銀壹兩貳錢捌分 馬

械銀捌拾陸兩肆錢過閩加銀戶役銀捌拾壹兩

捌錢伍厘 驛站銀貳拾貳兩捌錢陸分 戰船民

六料銀伍拾陸兩玖錢 水鄉蕩價銀壹百伍拾柒

兩捌錢捌分叁厘 本色月糧銀貳千貳百肆拾伍

兩貳錢 遇閏加銀壹百捌拾柒兩壹錢貳分捌厘 折色月糧銀壹千叁

百貳拾伍兩陸錢伍分貳厘 遇閏加銀壹百玖兩壹錢伍分捌厘 淺

船貢具銀陸百壹拾陸兩叁錢壹分柒厘

雷縣坐支銀貳千叁百肆拾柒兩貳錢捌分

本縣拜賀習儀香燭銀肆錢叁分陸厘

社稷山川壇 各二 共銀貳拾玖兩柒錢肆分

文廟釋奠春秋共銀伍拾兩

文廟崇聖祠春秋共銀壹拾貳兩

文廟香燭銀壹兩肆錢伍分陸厘 外添補壹錢肆分肆厘 耗羨內發

文帝二祭銀貳拾兩

武帝三祭共銀陸拾兩

鄉賢名宦祠各二祭共銀壹拾兩

忠義廟漢輔正安鄉侯二祭共銀貳兩

邑厲壇三祭共銀貳拾壹兩

邑厲壇三祭米折銀叁兩壹錢貳分伍厘

迎春芒神土牛春酒銀壹兩捌錢貳分

溫處兵備道經費銀玖拾兩 快手玖名銀伍拾肆兩遇閏加銀肆兩伍錢 皂隸

陸名銀叁拾陸兩
過問加銀叁兩

本府儒學經費銀壹百陸拾伍兩肆錢原經費銀貳百貳拾貳兩陸錢

乾隆元年奏

諭教授加為正七品額俸肆拾伍兩訓導加為正八品俸銀肆拾兩膳夫壹拾陸名銀捌拾兩門子叁名銀貳拾壹兩齋夫叁名銀叁拾陸兩嘉慶拾壹年訓導移駐玉環除俸銀肆拾兩除齋夫一名銀壹拾貳兩除門子一名銀柒兩貳錢入地丁解報今教授俸銀肆拾伍兩膳夫壹拾陸名銀捌拾兩過問加銀陸兩陸錢壹分柒厘門子二名銀壹拾肆兩肆錢過問加銀壹兩貳錢齋夫二名銀貳拾肆兩過問加銀貳兩

本縣知縣經費銀伍百叁拾叁兩貳錢壹分貳厘知縣俸銀

叁拾柒兩貳錢壹分貳厘門子二名銀壹拾貳兩過問加銀壹兩皂隸壹拾貳名銀柒拾貳兩過問加銀陸兩馬快八名銀肆拾捌兩過問加銀肆兩民壯叁拾貳名銀壹百玖拾貳兩過問加銀壹兩

陸兩 禁卒八名銀陸拾肆兩過問加銀肆兩

傘扇夫共柒名銀肆拾貳兩過問加銀叁兩伍錢
庫子四名銀貳拾肆兩過問加銀貳兩
銀貳拾肆兩過問加銀貳兩 件作三名銀壹拾捌兩過問加銀壹兩

本縣儒學經費銀貳百叁拾肆兩肆錢教諭俸銀肆拾兩訓導俸銀肆拾兩

拾兩 生員廩餼銀陸拾肆兩 膳夫銀肆拾兩過問加銀叁兩叁錢叁分叁厘 齋夫三名銀叁拾陸兩過問加銀叁兩 門子二名銀壹拾肆兩肆錢過問加銀壹兩貳錢

本縣雙穗場六使經費銀肆拾叁兩伍錢貳分大使俸銀叁拾

壹兩伍錢貳分 皂隸二名
銀壹拾貳兩過問加銀壹兩

本縣縣丞經費銀捌拾捌兩縣丞俸銀肆拾兩門子

錢 馬夫一名銀陸兩過問加銀伍錢 民壯二名銀壹拾貳兩過問加銀壹兩 皂隸四名貳拾肆兩

過閩加銀貳兩

本縣巡檢司經費銀捌拾陸兩柒錢貳分

巡檢俸銀叁拾壹兩伍錢

貳分皂隸二名銀壹拾貳兩遇閩加銀壹兩

兵八名銀肆拾叁兩貳錢

遇閩加銀叁兩陸錢

本縣典史經費銀陸拾柒兩伍錢貳分典史俸銀叁拾壹兩伍錢貳分

陸兩門子一名銀陸兩遇閩加銀伍錢馬夫一名銀陸兩遇閩加銀伍錢皂隸四名銀貳拾肆兩遇閩加銀貳兩

巡鹽工食銀壹百陸兩肆錢府廳捕四名縣巡捕十名遇閩年

分府巡鹽加銀貳兩錢縣巡鹽加銀陸兩

舖司兵工食銀叁百陸拾柒兩貳錢遇閩加銀叁拾陸兩陸錢縣前

飛雲 峯崎 新腔各五名 仙巖 帆游各四
錢橋 百鼻 伍尺 團嶼 石牌 潘山

戈溪 汪嶼 官巖 大洋 灘坤 黃樓 龜溪
苔湖 各二名 龜山 沙團 黃山 各二名

泰順舖工食銀貳拾貳兩捌錢遇閩加銀壹兩

陡門關夫工食銀貳拾伍兩遇閩加銀貳兩捌分叁厘

山 航舖 九里 南陟 蟠舖 唱埠 桐浦 塔
關夫各一名共關夫壹拾名每名銀貳兩伍錢

渡夫工食銀肆拾柒兩遇閩加銀叁兩玖錢壹分陸厘

拾兩 中洲渡二名 長分渡 澄頭渡 漁濯渡
龜巖渡 南口渡 塔石渡 三港渡 雙灣渡

龜磯渡 五甲渡 杜贖渡 甘洲渡 官巖渡
洋灣渡 巖頭渡各渡夫一名共十七名每名銀

壹兩共銀拾柒兩

橋埠夫工食銀壹百肆拾貳兩肆錢遇閩加銀壹拾壹兩壹錢

安橋埠船頭二名每名銀柒兩貳錢 埠夫六名船
夫八名每名銀陸兩 西埧船夫四名每名銀叁兩

十四都河頭船夫十名 二港埠大
魯口各船夫三名共十六名 每名銀貳兩

飛雲埠六工食銀玖兩貳錢 遇閏加銀柒錢陸分柒厘

孤貧壹拾柒名給銀柒拾陸兩捌錢 內布花木柴銀每名陸錢共拾

兩貳錢 每名口糧銀貳兩柒錢共肆拾伍兩玖錢

續加增口糧銀壹拾伍兩叁錢 又額外加增口

糧銀壹拾捌兩肆分伍厘于耗羨內

撥補前銀遇閏加銀陸兩肆錢

鐸戶銀伍兩肆錢

修倉畱半銀壹拾伍兩貳錢伍分貳厘

囚犯口糧叁拾貳兩柒錢陸分

省折年無定額

畱司領款

鄉飲酒禮二次銀

府縣歲貢生旗匾花紅酒醴銀陸兩叁錢 例于五年編審通省

共歲貢生若干名行文到縣應領若干差數不遠

迎宴新舉人旗匾花紅旗帳酒醴府縣共銀柒兩貳

錢叁厘

起送會試舉人酒席卷資路費 府額銀壹兩壹錢捌分縣額銀陸兩玖錢

捌分伍厘

賀新進士旗匾花紅酒醴銀府縣各捌錢玖分柒厘

起送科舉生員花紅卷資路費酒醴銀柒拾叁兩伍

錢肆分捌厘 府學另銀拾伍兩陸錢壹分叁厘新例

科舉銀兩由學備具文領送司給發

百歲老人建坊銀貳拾肆兩

五世同堂建坊銀貳拾肆兩

節孝建坊銀叁拾兩

外賦

學租銀肆兩陸錢壹分玖厘每年照數徵收解司

當稅銀叁拾伍兩典商柒名每商徵銀伍兩另款解

牙稅銀陸兩捌錢上則牙戶二名每名徵銀捌錢

下則牙戶壹拾名每名徵銀肆錢另款解司充餉

稅契每價銀壹兩

牛稅每銀壹兩

空閒官基稅銀肆兩壹錢柒分柒厘

雜稅銀壹百叁拾陸兩肆錢捌分壹厘

漁稅自外地進口者稅歸鈔關詳見海關則例至本

地漁船自縣官給牌者不徵漁稅

附 鹽法

宋史食貨志 霽海為鹽鬻鹽之地曰亭場民曰亭戶或謂之電戶戶有鹽丁歲課入官受錢無常數元至元

間溫州等路各立檢校批驗鹽引所明宣德元年六月仍命中鹽人改鈔收米六年六月允溫州府商稅

收鈔舊志鹽法照本場石牌刊載壇地七千六百七

煎配引歲辦本色鹽五千四十七引三百三十八觔

一文鹽課銀一千八百六十三兩八錢九分歲辦運

錢六分八厘 二毫六忽 我

國朝順治十八年本場竈地竈丁遷棄無存後經會同永

嘉場于飛雲渡內地開煎認辦課銀七十七兩七錢四分八厘續經展復故址內地各窰俱已犁毀地已還民原認飛雲渡課銀因丁多地少難以均攤仍令窰丁完納雍正三年經部議覆交與鹽政衙門查明漲墾新陞抵補奉

旨依議在案

場地

府志雙穗場在瑞安縣東五都長橋地方東至海西至海安所南至安陽江北至永嘉縣四十里設

鹽大使一員康熙二十二年永嘉場奉裁併歸雙穗場雍正七年復分設永嘉場

課引

瑞安鹽法自雍正六年以前原係商收商賣至雍正六年奉

旨動帑撥商銷賣改五邑為帑地官收商賣故額引無定鹽課亦無定數

團額

舊團五列仁義禮智信字號續聚團額仍五改天地人東信字號新分五厥共一十九團煎窰五十

六座乾隆三十六年坍沒缺廢詳報有案現實在天字團十四窰鹽厥一座倉六間地字團九窰鹽厥一

座倉三間人字團九窰鹽厥一座倉三間東浦團二窰鹽厥一座倉二間信字團五窰鹽厥一座倉三間

以上共三十九窰每窰鐵鍋四口煎鹽交厥發給帑商領配永瑞平三縣銷賣

鹽價

官收每百觔詳定給價銀四錢三分一厘五毫六年奉柴本貴賤詳請增減至商賣鹽價嘉慶八

年奉部定每觔制錢八文

嚴政

平陽協平陽縣會同鹽大使承辦撥巡嚴營弁歸營詳委按年更換本府總巡通判衙門額設鹽捕

二十名由鹽道衙門領給工食專司巡緝鐘標右營城守營及分駐鄉鎮之縣丞巡檢均兼察私

分銷

商人徐和泰李振興注濟華等領運帑鹽在城鄉各處分地撥夥銷賣

煎辦

以砂鋪平壇地旁開水溝引潮入溝潑水於壇攤灰于砂上至碗則推積成堆次日仍潑水攤晒約

經三日方好入漏每滴一擔成
鹽一十五觔其色白其味鹹

撥濟場鹽先儘本地民食外餘剩鹽觔
撥濟外所台商及嘉松等商領運

耗鹽各處收鹽每百觔加耗二十觔內發溫郡商鹽每
引給耗三十觔處郡商鹽每引給耗二十觔台乍

商鹽每引給耗四十觔其餘鹽存厰以為流洩折耗
之需如發出尚有溢存即以餘耗造報充公及彌補

費之

蕩課蕩銀二十甲列賀風調雨順慶國泰民安字號額徵
課銀二千九百五兩八錢一分五厘自雍正五年丁歸

地徵奉將報陸各則蕩地一萬五千六百九十四畝
四分四厘四毫七絲九忽二微計共徵銀一千二百

一兩八錢三分二厘撥抵丁課外實該未抵銀七百
八十三兩九錢八分三厘歸于蕩稅攤徵俟有續漲

報陸詳請撥抵嗣于雍正十一年起至乾隆五十年
止節次報陸蕩地草塗共該徵銀四百八十八兩六錢

二厘撥抵丁課訖外尚該未抵丁銀三百三兩三錢

八分一厘仍難各則蕩地徵收以符前額通
共實徵銀二千六十五兩四錢三分六厘

稅契自乾隆五十九年奉例由場徵
解每契價一兩徵稅銀三分

溫

瑞安縣志卷四終

瑞安縣志卷五

兵制

履平思陂圖險于易陰雨未來而綢繆梁土此物此
志也瑞東襟大海南接八閩其設重鎮而簡精兵也
固宜欽惟

聖朝文德武功遠邁三古海溼山陬父老扶杖而樂太平
久矣而安不忘危未嘗稍弛兵防而于海禁尤極森
嚴謹斥墩肆舟師守要害蒞斯土者所宜究心焉志
兵制

軍營

明制設三所

屬温州衛洪武二十年置

一曰瑞安所

在縣城旗軍一千二百六十名

營房九十六處計七百五十一間俱在城

一曰海安所

縣東北三十里去海十里旗軍一千

二百五十一名營房一千二百二十間在木所

一曰沙園所

在縣東南二十里去海一里旗

軍一千二百五十名營房一千二百二十二間在木所

按營房自所革之後歷年既久有軍人自相併查

廢基治圃者每間輸稅銀四分

國朝順治三年瑞安所除革

王師至散處隅廂暫寓民房十五年秋調河南衛輝營官

兵五百名防守割西北隅民房處之今為右營又調

衝標貼防兵五百名負各隅民房處之康熙十五年

改調山西寧武營官兵今為左營康熙二十五年奉

行勅建官署營房先安插右營復還西北民居邑令

范永盛擇城內故營基曠地定北起蓋其餘為軍民

所佃者仍今輸稅左營官署營房未建

海安所除革不設兵于梅頭堡建寨

康熙十一年李令澄奉巡道許

勅營房二十間官廳三間闕燬

十六年邱令啟元重初一十八間

沙園所除改建寨

康熙十一年李令澄奉巡道許創營房九十間闕燬十六年邱令

啟元重初二十八間

寨墩

明舊制飛雲水寨

在飛雲江口巡檢司西因界于兩縣兩所之間謂之中軍水寨與巡司相

倚角實當大江之衝軍政選溫州衛指揮一員領其事先是三所水陸官兵隸焉後止率陸兵哨守水兵

另有指揮一員統之

瑞安所寨墩

白塔 東山隘 上馬寨 錢家埠 丁田寨 各設瞭望臺一座 各烽墩

七座

海安所寨墩

丁田大寨 店下 鮑田 長橋 梅頭前岡寨 後岡寨 各設瞭

望臺一座 各烽墩七座

沙園所寨墩

冷水舖 陸門寨 宋埠寨 僊口寨 眉石 眉石北隘 眉石南隘

火寨 房一座 江涑寨 各烽墩七座

國朝更置臺寨 白塔寨 在邑城西十里 寶香寨 對白塔安兵五名

飛雲南岸寨 在麗江對南門安兵百名 巡檢司城 在縣城東二里安兵百名外臨

海最為緊要 沙園寨 山巡檢司相對最為緊要 海口臺

屬平陽營 陡門臺 屬平陽營防守 東山臺 接巡檢司安兵五名南對隔江浦口臺 江

岸臺 去東山臺十里 馮臺 去江岸臺五里 周田臺 去上馮臺

五里安 去周田臺五里 龜山臺 去小店下臺七里 安兵五

名 梅頭堡 去龜山臺八里臨海衝要舊瑞協分把總一員兵一百名防守今屬溫鎮右營東至

海南至梅頭山臺 一里西至縣城三十里北至寧村寨三十里至府城八十里 梅頭山臺 去

頭臺五里與永嘉縣交界安兵五名 按舊志以上臺寨皆設于沿海一帶明制以沙園所東山巡檢司海

安所三處設兵相為犄角今以沙園寨巡檢司梅頭堡三處相犄角海安所不設兵 按今三所雖不設兵

而臺寨防守甚嚴東山巡檢司係瑞安營撥弁兵防守沙園寨係平陽營撥兵防守梅頭堡係溫標右營守汛

教場

大教場 坐小東門外臨海明洪武二十七年置周圍

北六十七丈 演武廳
二進左右廡房九間

左營小教場 在大東門外城下
演武廳一座

右營小教場 在第五巷城下
演武廳一座

海安所教場 在淞安所南門外明洪武二十年置周

圍一百一丈東至西二十五丈南至北

三十丈演武廳三間沙園所教場 在本所城東門外明洪武二

東至西二十丈南至北三十二丈五尺 梅頭巡檢司教場 在本司城西

圍八十六丈東至西三十二丈南至北十一丈 演武廳一座久圯

原設官兵

明初置溫州衛於府城轄海安瑞安平陽三所又南置

金鄉衛沙園所屬焉凡衛並隸於浙江都指揮使司

洪武元年立軍衛法頗倣唐府兵意寓兵于農屯耕
訓練有事調撥大率五千六百人為一衛一千一百

二十八人為千戶所一
百一十二人為百戶所海安所千戶等官十七員旗

軍見前轄寨見前瑞安所千戶等官二十員旗軍見前轄寨

見前沙園所千戶等官十三員旗軍見前轄寨見前

國朝額設副將隸溫州鎮駐縣城原設參將為城守營康熙十年改設副將所轄各汛臺堡十三處

雍正二年改陸路為水師副將統左右兩營專為防
海其舊陸汛在北者改屬鎮標右營駐防其在南者

改屬平陽中軍都司兼左營事一員原設左營守備
協管轄雍正九年改守

備銜為都司僉書 右營守備一員 左營千總二員 右營

千總二員 左營把總二員 右營把總二員 外

委千總二員 外委把總五員 有馬戰兵七十名

無馬戰兵七十七名 水戰兵九十八名 守兵

五百四十四名 水守兵一百四十三名

現設官兵

副將一員 都司一員 守備一員 千總四員 把

總四員 外委千把總七員 額外外委三名

額設經制兵丁七百六十四名 內無馬戰兵五十三名

水戰兵六十六名 守兵五百二名 水守兵一百

四十三名 詳設船工伙糧四名

按查乾隆二十七年府志載額設兵丁九百三十二名內乾隆四十六年奉裁各官養廉九十一名准其按季赴司領銀五百五十六兩五錢 乾隆二十三年奉裁各官字識公糧二十五名 乾隆五十八年奉裁馬兵五十二名

舊制汛守

一曰江岸汛

千把總一員輪駐領兵一百十名汛係

城北至蜈蚣橋河與溫州鎮標右營梅頭汛接界轄

臺四曰東山在海邊山頂曰江岸為海口首衝曰上

岸砲臺當海口

一曰飛雲北岸千把總一員輪駐領兵四十名本汛

東十二里至江岸汛南過江五里與

平陽營南岸汛接界西五里至扶人寨與鎮

標右營白塔汛接界北五里至北湖嶺平

海防巡哨輪右營守備管戰船二隻領外委把總一

專防北關洋右營千總一員管戰船一隻配水戰守

船一隻配水戰

守兵七十名又隨巡左營外委一員管戰

貼防官山洋

左營千總一員管戰船一隻配水戰守

兵五十名又隨巡左營外委一員管戰

兵五十名又隨巡左營外委一員管戰

汛守

八

船一隻配水戰
守兵五十名

現行汛守

北岸汛 千把總帶領戰守兵三十五名 每月逢二

汛會哨 每月逢七 日帶兵一十五名於北湖與溫標右營梅頭

本營江岸汛會哨 每月十一 二十五等日帶兵十五

名在於扶人嶽與溫標右營蔣嶺汛會哨

江岸汛 千把總帶領戰守兵一百名 每月逢七日

哨 每月逢十日帶兵二十名在月井殿前與本營北岸汛會

北關水汛 船二隻配兵共六十名巡洋 每月逢八二

戰船在鎮下關洋面兌旗會哨 每月逢八二十三等

日隨巡戰船與福建烽火門南關汛隨巡戰船兌旗

官山水汛 船二隻配兵共四十名巡洋 每月逢八日

輪巡各水汛 副都守配戰船一隻配兵四十名巡洋

船在鎮下關洋面兌旗會哨

協防巡查舊城併南麂 外委一員額外二名配快哨

各十名出洋在於各島嶼誘緝 每月十八日與

溫標左營協巡之船在四嶼洋面兌旗會哨

以上汛期皆三月一次輪派

款項

官兵俸餉每年四季赴司請領於四月七月十月十二月領運回營會同文員監散按季呈報

兵米按月派撥瑞安縣倉支領俱係本邑每逢閏月兵米照依部定價值每石折銀一兩二錢赴司請領散給

營中各官養廉按季赴司請領銀五百五十六兩五錢兵丁惠濟遇有紅白事務按季冊報赴司請領娶妻給紅銀一兩五錢娶媳嫁女各給紅銀一兩父母妻室及本身病故各給白銀二兩

存營公項從前公糧二十五名餉銀糧米折存公用續
 自乾隆四十七年改為公費赴司請領銀四百二十
 七兩六錢五分通年迎喜迎降運餉水脚稿書公食
 及一切開用年終報銷

濟兵穀價兩營存銀八百二十四兩每年清明端午二

次每兵散銀一兩秋冬二餉扣回

請領各船篷索銀兩

艇船篷索銀二百六十兩 同安
 船六十兩又加津貼銀四十六兩

九錢 快船正價廿三兩一錢六
 分八厘貼價十一兩五錢八分四厘

器械

額設大小炮位二百二十四位

內紅衣炮三十八位
 發煩一十八位

發煩一位 洗笨炮一位 劈山炮八十一位
 勝炮五位 行營炮三十七位 母子炮二十一
 位 得

子炮一百五個
 百子炮二十二位

以上大小炮位均勻配搭輪翻洗試計三年演放

一週每年十月內會同文員在於東瀆浦地方將

應輪炮位一次三出共用火藥七十三觔五兩

額設烏鎗三百二十四桿配給額設鎗手兵丁三百二

十四名

額設軍械

內鐵盛七百一十二頂 青布繡花蟒鐵
 甲八十八身 青布繡飛虎綿甲三百四十

四身 線緞金蟒大小旗幟一十六隊 號帽七百
 八十四頂 號衣六百身 滾衣挂腰套褲八十一
 副 單帳房二十六頂 子營小涼篷一架 腰刀
 七百二十八口 牌刀八十一口 片刀八十一把
 長鎗五十三桿 蕩寇六十三桿 三眼鎗二桿
 單刀二十把 單手刀十對 馬叉十把 撲刀十
 對 雙斧十對 滾皮刀十對 藤牌小鎗十桿
 連夾棍十副 齊眉棍十條 藤牌八十一面 官
 兵自備戰箭六
 千零四十枝

額貯火藥七千一百五十九觔四兩 每年給兵操演等項動用一千五百

四十七觔
 十四兩

額存鉛彈三千二百二觔八兩 每年給火器兵丁操演打靶一千六十七觔八

兩照例檢七鎗三准用三百二十觔四兩年終動支營中公費一十一兩二錢八厘買補

額存鐵彈大小共一萬七千一百五十七出 鐵子四

千二百三十三出 窩鋒鐵子一千一百七十九觔

六兩封口炮子七十二觔十二兩

戰船

明舊制瑞安所海安所沙

戰船十八隻

國朝額制清字號水艍二隻

尺

八丈二尺 艍長七丈二尺

長八丈九尺 艍深七尺 艍頭闊二丈二尺 艍長七丈二尺

九寸板淨厚三寸一分 艍長六丈五尺 艍頭闊二丈二尺

闊一丈九尺 五寸身長一丈九尺 雙篷五隻 艍長七丈

艍深七尺 一寸板淨厚一寸九分 雙篷五隻 艍長七丈

艍長五丈五尺 艍深六尺六寸 板淨厚二寸五分 快哨四

隻 桅長五丈六尺 艍長四尺 板頭闊一丈四尺 身長四丈八尺 艍深五尺 板淨厚二寸。以上採府志

新例戰船

同安商式暨米艇式巡船一十五隻 內

- 湧字同壹號
- 同貳號
- 同叁號
- 同肆號
- 同伍

號 同陸號 每船配兵四十名

清字柒號捌號玖號拾號快哨船四隻每隻配兵二

十名

清字拾壹號拾貳號船二隻每隻配兵一十名

霆字貳號肆號拾號艇式大船三隻每隻配兵八

十名

按乾隆六十年暨嘉慶二年五年疊次奉文將舊制水居趕船及篷船等號裁改今式

防海

防海要略

歐外海有祁山與合之大陳山接界自祁山

一潮至南龍北龍又潮歷馬鞍銅盤丁山破嶼至

鳳凰山官山等處鳳凰山再半潮亦至鳳凰南麂孤懸

上行一潮亦至南北地東洛亦為南北往來常泊

海所賊艘橫汲必經地盤南龍鳳凰而六舊制合郡

兵船出汛時撥哨船伏于祁山大鹿等處晝夜巡哨

遇寇警急報合勢攻勦于東洛常川撥哨船入隻輪

班協守餘船盡泊南麂竊慮外洋廣闊東風水漲羣

龍銅盤風風一帶空虛無兵防禦揚帆直抵內港沿

江劫掠深為可憂議者欲以哨船協守南龍銅盤一

帶其餘兵船分屯風風及三區地方可以哨南麂援

更洛而內地益固矣今銅盤鳳凰俱係溫標汛守

附 明令劉畿原建議

一曰防守

大要以修城垣浚濠河為急邑城惟西南

二門離江不過二丈難以濬濠賊易登岸最為險要之地於二門城樓多設礮狼機銃及藥弩石塊等物又自小東門教場內起至東門海口止約長九里切近大江合將舊濠間浚闊三丈深一丈五尺就將前泥於沿河北岸築成土埽遍植楊柳棘刺于其上每里建堡一所設民兵多置鎗銃石塊使之據堡臨河而守庶沿江之一議水戰以昔水寨之立皆有深意民得以無虞

寨樂清縣海口則立黃華水寨平陽縣海口則立江口水寨樂清縣之北有蒲岐所海口與台州府交界則立白巖塘水寨平陽縣之南有蒲門所海口與福寧州交界則立鎮下門水寨每寨俱有戰船三四十艘統領之以水寨指揮分領之以出海丁百戶瑞安界在兩縣兩所之間道里適均謂之中軍小寨則立把總衙門於此以統攝之每日分布海口操習水戰如其有警則巡哨海外阻遏賊兵如其猖獗則調集諸寨併力攻勦此立法之意甚善也故莫若修復戰船慎選出海之官以統領立小寨公署以屯劄此方今之急

一議戰船 先年出海船官軍之哨每于海

船無停泊之處後因

增建陸路臺寨遂停造出海戰船殊不知有戰船以防海有臺寨以防陸水陸相守二事不可偏廢者也今東山海口北岸有瑞安所官軍南岸有沙園所官軍誠使三所各有戰船相對而守其海岸在東山之北亦駕海船以遙應之仍於江口立一水寨公廨令指揮住劄于此統三所之船時常演習水戰無事則停泊江口以壯形勢有警則巡哨海外以制寇之出入瑞安可以安枕而臥矣及查造船之費各縣原有戰船銀兩每歲徵解本府貯庫其造船之制亦有定額成案可考但監造之人必委廉能官員毋令木板柔脆工作苟一議策應本縣海口南有沙園所北且以滋虛費

一議築應 本縣海口南有沙園所北縣城內其三所官軍悉屬水寨指揮統領在于海口操習水戰詳其立所之意專為本縣設也合無令海安沙園二所倘遇本縣有警即行發兵策應如二所有警亦合飛報本縣及瑞安所為之應援如有坐視遷延者重加參究庶官軍知警而地方有備矣然隣近縣所各有唇齒之誼亦合自相應援以成犄角之勢若待申報上司行牌調遣則事無及矣宜嚴行各縣今後凡遇隣縣警報不必候牌調遣即行發兵赴

援如有擁兵自衛不恤鄰一議器械器械不利以卒
 患者量加處治以警將來予敵故火藥鉛
 銃弓弩藥矢竹牌及闊斧長鎗皮甲之數皆不可少
 竊以竹牌皮甲可以禦鎗銃且輕便易于舉動至藥
 矢乃係山中射之虎雖猛中藥立斃合無令
 官軍成造以濟實用以上悉錄舊縣志

汛期 大汛以春分二月中此時陽和方深東北風盛作
 日本島彝與諸國互市或乘風剽掠可以猝至溫

台故防之夏至後南風盛海水熱蛟龍起颶風作彼
 既難乘我亦難哨故此時撤防小汛以十月小陽東
 北風與南風時或連作故防之冬至後海寒欲返故
 十一月撤防惟四月漁船乘掠鹽米壯男之廣東香
 內地九十月海外諸國互市皆乘東南風之廣東香
 山過船劫掠故大汛之防當重在北黃華飛雲小汛
 之防當重在南鎮下門然亦有不可泥者其船在海
 漂泊日久流突無定防範均不容緩按昔之議防海
 者大抵懲於明季倭寇之變惟專於防倭故大小汛
 有時撤防我

國朝德威遐播海外諸國無不賓貢何倭寇之足防哉然
 內地姦民潛海聚夥劫掠漁商巡哨自不可一日少

弛況彝匪之敢於深入內地必有內盜為之鈞引則
 內地小盜誠不可不懲也然則防倭者明季一時之
 應變而嚴內地之小寇正杜漸防微之常道焉至於
 風潮之險宜避具將略者當察風雲之變而知收泊
 之宜往往於雲氣日色驗之某時可
 以出哨某處可以收風當神而明之

海洋要地六 曰北關 小嶼在鎮下門之東舊有田園
 有黃沙官旁有小嶼與福建南

關相望旁近有觀音礁 曰官山 在北關北舊有田園
 草嶼其北有王孫門 曰官山 在北關北舊有田園

又西北曰 曰金鄉大嶼 在大鏡嶼北其北岸曰石坪
 大鏡嶼 曰金鄉大嶼 在大鏡嶼北其北岸曰石坪

標曰琵琶 山以橫斜形似名有小有大舊有田地在
 礁曰琵琶 山以橫斜形似名有小有大舊有田地在

口之洋嶼又北 曰南甕山 外洋最遠之汛惟此山高
 為瑞安江口 曰南甕山 外洋最遠之汛惟此山高

望餘無島嶼乘風可直抵飛雲其西 曰四大嶼 在瑞
 有竹嶼山馬鞍山又西有百敵礁 曰四大嶼 在瑞

口之東自琵琶而東北曰長嶼大嶼小嶼二嶼三嶼
 若斷若連以至四大嶼其北即鎮標左營海汛界皆

洋內

海洋界 雍正二年定溫鎮水師防海汎界自南至北

分作四股瑞安水師營為南洋第一股自鎮

丁門北關與福建烽火門海洋接界起北關官山金

鄉琵琶南鹿北至四大嶼與鎮標左營海汎交界。

以上錄府志

勤事營員 附

朱光榮 外委乾隆拾陸年在 周耀光 千總嘉慶三

外洋追捕夷匪 船隻撞礁身歿

勤事兵丁

附 林得魁徐天岳朱得勝蔡成武嚴上陞

王應陞王國寧林大魁王廷棟詹連陞陳應

春魁楊得龍林得發王清榮陳廷發姜炳耀楊士彩

曹廷龍林邦國章秀魁王兆元葉邦榮劉國勳林

榮劉連陞汪廷榮胡振榮金光陸夏獻龍劉國勳林

飛龍張永勝張雲鳳王萬明黃正國蔣應華林光榮

胡士魁柳金榮葉發徐廷龍鄭煥隆李鳳泰章桂鮑

大勳項得陞虞俊豪黃廷隆方炳武李光國蔡應魁
周永祥季振華項永泰倪錦泰鄭得榮陳元凌蕭國
定王子進蔡朝聖張錦龍毛廷貴黃長青楊鳳彪黃
士鳳王兆榮木應隆項繼陞池金榮季天英孫高陞
毛瑞儀黃士鶴林得恩趙大明張文高余金玉康得
陞蔡得貴劉名耀蔡大發曹天位李廷亮蔡廷松張

得魁羅得英董會榮鍾連陸胡光進莊耀築。以上各兵乾隆五十二年奉撥征臺陣亡。王寧官嚴進陞曹聖祖。以上乾隆五十九年外委林萬里帶領在北關外洋緝匪遇颶淹斃。胡國棟方應魁。以上嘉慶二年署外委莊廷龍帶領在南甌洋面攻盜傷亡。蔣炳光黃國鳳金國盛黃雲樹蔡國耀王瑞隆謝日育葉亦修李殿川胡得貴黃錦標林錫欽袁夢昌陳成安康得勝潘廷貴王名貴王大陞胡廷貴徐錦瀾金大陸張聖川吳振龍董高陞嚴國耀蔡國進董大發鄭光華沈大榮。以上嘉慶三年署千總周耀光帶領在東西洋占春。以上嘉慶五年千總斃并溺水。李宏義周占春。以上嘉慶五年千總陳成棟帶領在北甌洋面攻盜炮傷。姚得元董文斌陳大謨余得雄徐國明韓國龍黃應鳳葉永德張彪。以上嘉慶六年千總黃飛熊帶領在南甌洋面攻盜被賊燃拋藥箱轟沉船隻傷斃。南鎮川嘉慶七年署千總周國勳帶領在南甌洋面攻盜炮傷。金得榮。嘉慶九年千總施成貴帶領在馬蹟洋面攻盜傷斃。曹得榮周永泰。嘉慶十年署都司劉成魁帶領在廣東甲子外洋攻盜傷斃。周進豐

嘉慶十年外委王彪帶領在福建料羅洋面攻盜傷。李雲龍虞印方。嘉慶十一年署都司吳定邦帶領在滄山洋面攻盜傷斃。賴國良張得華毛定海王金發蕭高榮邵得榮黃成發黃福戴世榮孫世榮胡連陸鮑景松胡得魁胡廷海毛廷魁蔡靖海黃大發郭鳳項得標鄭芳程金鳳楊景芳陳高陞沈進發章元榮池遇龍鄭國標馮全陞黃瑞青蔡承祖李得名蔡天鵬戴海勝黃國忠孫國成。以上嘉慶十一年署副將藍嘉瑛帶領在廣東夷洋攻擊蔡逆傷斃。鮑廷松邵安國應豪陳連豪徐朝發董瑞蘭。以上嘉慶十二年配撥玉環營參將陳照標林春榮陳得榮。以上洋攻盜溺水。

瑞安縣志卷五終

溫州府

溫州府圖書館